

HW



Statutas club da pistola Cadi

I. Intent

- Art. 1. Il club da pistola Cadi, fundaus igl onn 1950 a Trun, cun sedia a Disentis/Mustér, Sars-sut, ei ina societad el senn digl artechel 60 dil CCS. La finamira ed igl intent ein da promover denter ses commembers igl interess e la capacita da sittar e cultivar il spert d'amicezia e cumpignia.

II. Appartenenza

- Art. 2. Commember dil club sa mintga burghels e burghelsa svizzer, che gauda las honors ed ils dretgs civils e che ha cumpleniu il sedischavel onn, daventar. Sur d'excepsiuns decida la radunonza generala. Il plaid commember vala tier quellus statutas per persunas masculinas e femininas.
- Art. 3. L'annunzia per entrar el club da pistola sco commember sto succeder en scret alla suprastonza. Sur da recepciun ni renviada decida la radunonza generala.
- Art. 4. Commembers che vulan extrar ord il club annunzian quei en scret alla suprastonza avon la radunonza generala.
- Paga il commember buca la contribuziun annuala, piarda el automaticamein il dretg da commember.
- Art. 5. Commembers che cunterfan als interess ed al bien num dil club, sesuttamettan buca allas ordinaziuns dalla suprastonza e che vegnan buca suenter a lur obligaziuns san, sin proposiziun dalla suprastonza, vegnir sclaus dil club entras la radunonza generala.
- Art. 6. Cun l'extrada ni l'exclusiun piardan els tut ils dretgs da commember.
- Art. 7. Il club consista da commembers activs, d'honor e passivs.

Commembers activs

Commembers activs ein tut quels che separticipeschan activamein al sport da sittar pistola. Els prendan part allas occasiuns da sittar dil club e specialmein als tirs che quantan per la concurrenza annuala.

Commembers d'honor

Sin proposiziun sa la radunonza generala honorar commembers ch'ein sedistingui en moda speciala per il club. Els gaudan ils medems dretgs sco ils commembers activs, ein denton libers da scadina obligaziun.

Commembers passivs

Commembers passivs ein persunas che contribueschan annualamein ina taxa stipulada dil club. Els san seser allas radunonzas e san sporadamein far part a tuttas occasiuns. Els han buca dretg da vuschar e san buca separticipar allas concurrenzas annualas ni districtualas dil club.

- Art. 8 Commembers dall'armada ed auters che retscheivan contribuziuns dalla confederaziun, che absolveschan mo ils tirs federals, astgan sittar tals senza pagar ina contribuziun. Vulan els prender part ad exerceris per tals tirs, sa il club incassar ina contribuziun fixada dalla suprazionza. Els ein buca commembers dil club.

III. Organisaziun

- Art. 9 Ils organs dil club ein: la radunonza generala, la suprazionza ed ils revisurs da quen.
- Art. 10 La radunonza generala vegn tenuta annualmein il meins da mars ni avrel. Ella tracta suandontas fatschentas:

- appel
- eleccziun da dumbravuschs
- approbaziun dils protocols
- rendachen e rapport dils revisurs
- rapport annual dil president
- orientaziun davart la cumissiun da menaschi dil stan da tir Sars-sut
- fixar las contribuziuns annualas
- program da lavur
- eleccziun dalla suprazionza e dils revisurs da quen
- honoraziuns
- midadas da statutas e reglaments
- orientaziun dallas prescripziuns e menaschi da tir
- recepziun da novs commembers; abdicaziuns
- varia

Radunonzas extraordinarias san vegnir convocadas:

- sin conclus dalla suprazionza
- sin giavisch da tschun commembers

Mintga radunonza ei cumpetenta da decider, sch'ils commembers ein vegni avisai silmeins 10 dis avon, cun far enconuscent la gliesta da tractandas.

Las votaziuns succedan entras tscherna aviarta. Tier vuschs ulivas decida la vusch dil president.

- Art. 11 La suprazionza vegn elegida per ina perioda da dus onns. Ella ei reelegibla e consista ord: president, actuar (vicepresident), cassier e capotiradur. Scadin commember, ch'ei babels da surprendre in uffeci, sto acceptar in'eleccziun en suprazionza per ina perioda da dus onns.

IV. Obligaziuns e cumpetenzas dalla suprazionza dils revisurs da quen

- Art. 12 La suprazionza ei responsabla per il traffic da tir. Ella prepara las tractandas e propostas per las radunonzas, administrescha la facultad dil club e concluda expensas extraordinarias entochen igl importo da francs 1'000.—. Ella liquidescha tuttas fatschentas ch'ei buca sutmessas alla radunonza generala, tschenta si il program da

tir ed organischescha ils tirs. Ils commembers dalla suprastanza ein deliberai dalla contribuziun annuala. Els han denton las suandontas obligaziuns:

President

El dirigia las sesiuns dalla suprastanza e dallas radunonzas. El representa il club anoviar e pren las disposiziuns necessarias, risguardond ils interess dil club. El ha la surveglianza suprema sur dil menaschi da sittar. Alla radunonza generala rapportescha el sur l'activitad dil club durant igl onn vargau. En cass d'impediments vegn el substituìus dilg actuar, ch'ei vicepresident.

Actuar/vicepresident

El meina ils protocols da tuttas radunonzas sco era dallas sesidas dalla suprastanza. El ei responsabels per il manteniment dil stan da tir. El ei vicepresident.

Cassier

Il cassier administrescha las finanzas dil club. El incassescha las contribuziuns annualas e paga ils quens. El meina la gliesta da commembers ei responsabels per la vendita da munizun e meina ina controlla da quella.

Capotiradur

Il capotiradur dirigia exercezis ed occasiuns da tir tenor las prescrepziuns e directivas dallas autoritads cumpetentas. El ei responsabels per il traffic da tir ed in segir menaschi el stan da sittar. Ensem cun il president ei el responsabels per il rapport da tir per mauns dilg officier da tir.

Revisurs da quen

Els examineschan mintg'onn l'administraziun e specialmein la contabilitad. Els dattan alla radunonza generala in rapport detegliau.

Art. 13 La suttascripziun giuridica han:

- | | |
|----------------------------------|-------------------------|
| a) en questius administrativas : | president ed actuar |
| b) en questius finanzialas: | president e cassier |
| c) en questius traffic da tir: | president e capotiradur |

V. Exercezis da tir e plaz da tir

Art. 14 Tuts exercezis vegnan fixai dalla suprastanza. Scadin commember ha d'observar las prescripziuns ed ordinaziuns dalla suprastanza e dallas instanzas militaras. Commembers sut schotg onns astgan sittar mo sut surveglianza.

VI. Ordinaziuns finanzialas

Art. 15 Igl onn da quen e da fatschenta croda cun igl emprem da mars.

Art. 16 Las contribuziuns annualas vegnan fixadas dalla radunonza generala.

Art. 17 Sur da contribuziuns ord cassa per prender part a tirs decida la radunonza generala.

Art. 18 La suprastanza concluda sur d'expensas extraordinarias entochen francs 1'000.—.

VII. Dissoluziun dil club

- Art. 19 Il club sa vegnir schligiaus mo sin conclus da 2/3 dils commembers, ni sch'il diember da commembers ei sminulus sin tschun. La radunonza sto vegnir convocada a scret 10 dis avon a mintga commember. Vegn il club sligliaus, duel la facultad schubra restonta vegnir surdada all'Uniun da tir Desertina, la quala administrescha quella facultad entochen ch'ina societad cun medem intent tenor art. 1 dallas presentas statutas vegn fundada. A quella stat la facultad a disposiziun.

VIII. Determinaziuns

- Art. 20 Mintga commember survegn in exemplar dallas statutas. Il commember renconuscha cun sia entrada el club questas statutas e s'oblighescha d'observar talas, dont suatientscha a conclus e disposiziuns dils organs dil club. Las statutas ein vegnidas discussiunadas ed approbadas dalla radunonza generala dils 29 da mars 2014 ed entran en vigor immediat suenter esser approbadas dall'uniun grischuna da tiradurs e dil departament militar dil cantun grischun.

Disentis/Mustér, ils 9 da fevrer 2015

Il president: Igl actuar:

[Signature]
Club da pistola Cadi

Approbau dall'uniun grischuna da tiradurs:

Liug:

Datum:

DOMAT/CM

11.1.1.15

Disentis Schützengesportverband
Fédération Grischuna del Sport de Tir
Federazione Grigionese del Tiro Sportivo



Vizepräsident
Michael Bucher

Via Cuscher 24
7015 Quindryert

[Signature]

Approbau dalla canzlia militara cantunala dil grischun:

Liug:

Datum:

Haldenstein

17. FEB. 2015

Amt für Militär und Zivilschutz
Schloss Haldenstein
Schlossweg 4
7023 Haldenstein

[Signature]